

Ժիւբերթ Մեշքանբարյանս

ՎԵՉԻՐԻ ԵՎ ԶԱԼԱՆԹԱՐԻ ՊԱՇՏՈՆՆԵՐԸ ՍԵՖՅԱՆ ԻՐԱՆԻ ՎԱՐՉԱԿԱՆ ՀԱՄԱԿԱՐԳՈՒՄ

Բանալի բառեր – Սեֆյան Իրան, վարչական տարածք, Թագքիրաթ ալ-մուլուք, պաշտոններ, վեզիր, քալանթար, վավերագիր:

Սեֆյան Իրանի վարչաբաղաձայն կառուցվածքի պատմության ուսումնասիրությունը գիտական կարևոր նշանակություն ունի ինչպես իրանագիտության, այնպես էլ հայագիտության տեսանկյունից, որ հնարավորություն է ընձեռում լուսաբանելու և բացահայտելու Սեֆյան Իրանում վարչական պաշտոնների յուրահատկությունները, ինչպես նաև դրանց առընչությունը հայկական իրականության հետ: Սեֆյան Իրանի վարչական միավորների և պաշտոնների մասին ծավալուն տեղեկությունների ենք հանդիպում «Թագքիրաթ ալ-մուլուք»¹ երկում, ուր գրքի չորրորդ և հինգերորդ գլուխները տեղեկություններ են պահպանել վեզիրների և քալանթարի աշխատանքների և պարտականությունների վերաբերյալ:

Սեֆյան Իրանի վարչական համակարգում վեզիրների գործունեությանը անդրադառնալուց առաջ նախ ծանոթանանք շահից հետո առաջին պետական պաշտոնյայի՝ Է'թեմադ ալ-դովլեի² (կամ վեզիրե ազամ, որ նույնն է, ինչ մեծ վեզիր) գործունեությանը: Է'թեմադ ալ-դովլեն Իրանի շահից հետո երկրի երկրորդ գլխավոր պաշտոնյան էր: Պետության այդ բարձրագույն պաշտոնը կրողի՝ Է'թեմադ ալ-դովլեի աշխատանքը շատ պատասխանատու և բարդ էր: Է'թեմադ ալ-դովլեն էին ենթարկվում ավելի ցածր պաշտոն ունեցող վեզիրները, գրագիրները և մնացյալ պաշտոնյաները: Նա նաև արքունի գրասենյակների պատասխանատուն էր: Դիվանում պատրաստված ոչ մի նամակ առանց նրա ստորագրության և կնիքի վավերական չէր համարվում: Նրա միջոցով էին որոշվում և հաստատվում եկամուտների բաշխման, աշխատավարձերի հաստատման հարցերը: Այս բնագավառում նա գրեթե անսահմանափակ իրավունքներ ուներ: Նա էր վերահսկում բանակի աշխատավարձերի վճարման, զինվորականների ներկայության, նրանց փաստաթղթերի պատրաստման ու պահպանության հարցերը: Երկրի ֆինանսական միջոցների տրամադրումը ամբողջովին նրա կողմից էր կարգավորվում: Հարկերի և տուրքերի որոշումը, եկամուտների հավաքագրման

¹ Համաձայն պահպանված տեղեկությունների՝ գիրքը պատրաստվել է 1726 թվականին Աշրաֆ Աֆղանի հրամանով և գրի առնվել Սեֆյան Իրանի վարչական կառույցի ծախքերին լավատեղյակ պաշտոնյա Միրզա Սամիայի միջոցով Սեֆյան հարստության անկման և աֆղանների իշխանության սկզբնական տարիներին: Նրա բովանդակությունը վերաբերում է Սեֆյան Իրանի վարչական կառուցվածքին, արքունական պաշտոններին, հասարակության մեջ եղած բաժանումներին, արիեստներին: Գրքում բացատրվում են մարզերի հաքիմների պարտականությունները, խոսվում նրանց եկամուտների մասին, ներկայացվում է երկրի զինվորական կառույցը:

² Պարսկերեն նշանակում է պետության վստահելի:

աշխատանքի կազմակերպումը, երկրի ֆինանսական ապարատի գործունեությունը նրա միջոցով և հսկողությամբ էին կատարվում¹:

Համաձայն եղած կարգի նա էր ընդունում օտար երկրներից հրան ժամանած դեսպաններին և պատվիրակություններին: Հիմնականում նրա միջոցով էին վարվում բանակցությունները և պատրաստվում գործարքների համաձայնագրերը: Նա շահի վստահված անձն էր, առանց նրա համաձայնության շահը որևէ համաձայնագրի հաստատման իր հավանությունը չէր տալիս²: Այնուամենայնիվ, հաճախ նրա որոշումները կարող էին փոփոխվել հարեմի բնակիչների՝ ներքինիների կամ շահի սիրելի կանանց միջամտության հետևանքով³: Նշված պարտականություններից բացի նա կատարում էր մի շարք այլ աշխատանքներ, որոնք շահի կողմից իրեն էին հանձնարարվում. օրինակ, մայրաքաղաքի անվտանգության ապահովումը. թեև իրականում դա դարձնում էր պարտականություններից էր⁵:

Է'թեմադ ալ-դովլեն որոշված աշխատավարձ չունեւ, սակայն պաշտոնը ստանալուն պես, երբ նրան էին հանձնվում համապատասխան զարդաքանդակ կնիքը և թանաքը, նա ստանում էր մի շարք արտոնություններ: Է'թեմադ ալ-դովլեն հատկացվող նովրուզի (պարսկական նոր տարի) նվերները, որոնք անպայման ստուգվում և հաստատվում էին շահի կողմից, կազմում էին՝ 1000 աշրաֆի ու 12 ձի: Նա մի շարք գումարներ էր ստանում ջիրե⁶, մահալներից ռասմալ-վոզարա⁷ և Էն'ամե համեսալե⁸ անվան տակ, որոնց ընդհանուր գումարը իրար հետ վերցրած՝ ներկայանալի թիվ էր կազմում: Ռասմալ-վոզարան կազմում էր 803 թուման և 3943 դինար, Սպահանից ստացվող Էն'ամե համեսալեն կազմում էր 20 թուման, դրան գումարած զանազան տեսակի մթերքներ (բրինձ, յուղ և այլն), ռոսում անվան տակ ամեն անգամ ամիրներին և բարձրաստիճան պաշտոնյաներին տրվող թիուլի յուրաքանչյուր թումանի համար նա ստանում էր 330 դինար, ինչպես նաև նրանց տրվող տարեկան վճարներից 220 դինար, բարաթներից (պարտամուրհակ)՝ 110 դինար և վարձակալությունների համար 500 դինար, իսկ ամիրների սոյուրդալներից⁹, եկամուտներից և հաղուսայից¹ և աղթաից², 660 դինար³:

¹ پيتر جکسون/ لورنس لاکهارت، تاريخ ايران کمبريج (جلد ششم، قسمت دوم) دوره صفوی، ترجمه: تیمور قادری، تهران، انتشارات مهتاب،

1387: (Փիթեր Ջեքսոն/ Լորան Լաքհարթ, Թարիխ Իրան Զամբրիջ, (ջելդե շեշում, դեսմաթե դովում) դորդե Սաֆալի, Թարջումե Թեյմուրե Ղադերի, Թեհրան, Էնթեղարաթե Մահթաթ, 1387(2008), էջ 215:

² شوستر والسر سيبيل، ايران صفوی از دیدگاه سفرنامه های اروپائیان (پژوهشی در روابط سیاسی و اقتصادی ایران 1364، ترجمه و حواشی نکتر غلامرضا ورهرا، تهران، انتشارات امیر کبیر، 1364)، էջ 29:

³ 1382 تهران، حمید ارباب شیرانی، تهران، 1382(2003), էջ 244:

⁴ Դարուղե Էր կոչվում, իսկ սեֆյան ժամանակաշրջանում մայրաքաղաքի հաքիմն էր դարձնում կոչվում:

⁵ 1381 سفرنامه پینرو دلواله، مترجم: شعاع الدین شفاء، تهران، 1381 (2002), էջ 86 և 126:

⁶ Զիրե - حیره - պարսկերեն նշանակում է պարենի բաժին, որը այս պարագային նշանակում է պարենից վեգիտին հատկացվող բաժինը:

⁷ Ռասմ ալ-վոզարա - رسم الوزرا - վեգիտի համար շրջաններից գանձվող հարկագումարը:

⁸ Էն'ամե համեսալե - انعام همه ساله - պարսկերեն այդպես էր կոչվում որպես նվեր ամեն տարի վճարվող տուրքը:

⁹ Սոյուրդալ - حسیورغال - հողատիրության պարզակական եղանակը կոչվում էր սոյուրդալ, որը հարկային իմունիտետի իրավունքով տրվում էր զինվորականությանը, ամիրների՝ թուրք ու քուրդ ցեղերի առաջնորդներին և հոգևորականությանը:

«Թագբիրաթ ալ-մուլուբում» վեզիրե ազամի պաշտոնը ներկայացնող մասում ընթերցում ենք հետևյալ բացատրությունը, որը ամբողջությամբ համապատասխանում է ժամանակի այլ սկզբնաղբյուրների մեջ պահպանված նյութերին. «Վեզիրե ազամը բարձրագույն դիվանի և Իրանի պետության գլխավոր վստահված անձնավորությունն էր երկրի բազմաթիվ և գլխավոր հարցերի լուծման գործում երկրի բոլոր ամիրների աշխատանքների, սահմանային վիլայեթների, առևտրի, պետական հարկերի, արքունական գանձարանից ծախսված գումարների պատասխանատուն: Իրանի այլ շրջաններից, ինչպես նաև մայրաքաղաք Սպահանից գանձված գումարները ու բոլոր առևտրական գործողությունները առանց հարգարժան վեզիրե ազամի իմացության տեղի չի ունենում: Պաշտոնների համար հատկացվող գումարները և այլ գումարներ ևս պիտի առաջին հերթին նրա կնիքով հաստատվեն, այնուհետև արքայական կնիքով զարդարվեն.....»⁴:

Մյուս վեզիրների գործունեությանը ևս սեֆյան համակարգում կարևոր տեղ է հատկացվել: Վեզիրների գլխավոր պարտականությունը ֆինանսական հարցերով զբաղվելն էր: Երբ վեզիրը գործուղվում էր որևէ վիլայեթ, նրան էին հանձնում գործունեության ուղեցույց, որի համաձայն նա պիտի ղեկավարեր տվյալ վիլայեթը⁵: Վեզիրն անձամբ պիտի ներկայանար իր աշխատանքի վայրը, սակայն հաճախ նրանք մնում էին արքունիքում և իրենց փոխարինող օգնականներին էին ուղարկում շրջաններ, որի հիմնական պատճառը արքունիքում մշտական ներկայությունն ապահովելը և հակառակորդների հետ մրցակցությունն էր:

Վեզիրն էր նշանակում զաբեթներին, որոնք գանձում էին հարկերը իրենց հատկացված շրջաններից և տարին մեկ անգամ հանձնում արքունի գանձարանին⁶: Վեզիրը ոչ միայն հարկերի գանձման պատասխանատուն էր, այլ նաև պետք է հետամուտ լիներ վիլայեթի տնտեսության զարգացմանը: Նա էր գյուղացուն տրամադրում սերմացու՝ օժանդակելով գյուղատնտեսության զարգացմանը, վերահսկում ջրանցքների կառուցման և վերանորոգման գործերը: Սովորաբար Սեֆյան շահերը յուրաքանչյուր վիլայեթում ունեին իրենց անձնական կալվածքը (խասսեե կամ խալեսե), վեզիրները պարտավոր էին դրանց աշխատանքները վերահսկել: Բնականաբար, շահի համար վեզիրների աշխատանքի այս բաժինը շատ կարևոր էր⁷:

¹ Հադդուսայ - حق السعي - եկամուտ, կամ աշխատանքի համար վճարվող պարգևավճար, որ տրվում էր սեֆյան գործակատարներին:

² Աղթա - հողատիրության այն տեսակն էր, ով հողատերը ազատվում էր հարկերից տուրքերից:

³ باستانی پاریزی محمد ابراهیم، سیاست و اقتصاد عصر صفوی، تهران، 1362، էջ 180-181: (Բասթանիե Փարիզի Մոհամմադ Էբրահիմ, Սիասաթ վա Էդթեսադե ասրե Սաֆավի, Թեհրան, 1362), էջ 180-181:

⁴ دکتر محمد دبیر سیاقی، تصحیح و نشر تذکره الملوك، انتشارات امیر کبیر، تهران، 1378 میرزا سمیعاً، تذکره الملوك (Դոբթթոր Մոհամմադ Դաբիրսիադի, Թասիհի վա Նաշր Թագբիրաթ ալ-մուլուբ վա սագեմանե Էդարիե հոբումաթե Սաֆավի, Էթեշարաթե Ամիրեբաիր, Թեհրան 1378), էջ 5-6:

⁵ حسين هزيريان/ حسن اسدی، تهران، 1388 فرير رانلد دبليو ، برگزيده شرح سفرنامه شارن، Բարգոզիդե Շարիե Սաֆարնամե Շարոդե, թարջում: Հուսեյնե Հաժիրիան/ Հասանե Ասադի, Թեհրան, 1388), էջ 176:

⁶ میرزا علی نقی نصیری، القاب و مواجب دوره سلاطين صفوی، تصحیح دکتر یوسف رحیم لو، انتشارات دانشگاه فردوسی، مشهد، 1371 (Միրզա Ալինադիե Նասիրի, Ալլաբ վա մավաջեթե դորե սալաթինե Սաֆավի, թասիհե դոբթթոր Եուսեֆե Ռահիմլու, Էթեշարաթե դանեշգահե Ֆերդոսի, Մաշհադ, 1371), էջ 850:

⁷ دکتر محمد دبیر سیاقی، تصحیح و نشر تذکره الملوك، انتشارات امیر کبیر، تهران، 1378 میرزا سمیعاً، تذکره الملوك (Դոբթթոր Մոհամմադ Դաբիր Սիադի, Թասիհի վա Նաշր Թագբիրաթ ալ-մուլուբ վա սագեմանե Էդարիե հոբումաթե Սաֆավի, Էթեշարաթե Ամիրեբաիր, Թեհրան 1378), էջ 45:

Քաղաքային կյանքի վերահսկման տեսակետից վեզիրն ուներ քաղաքի շուկայական (բազարի) առևտրի և դրա եկամուտներից հասանելիք տուրքերի գանձման պարտականությունը: Վեզիրները քաղաքի ոստիկանապետի հետ համաձայնեցված՝ նշանակում էին համբարությունների ներկայացուցիչներին: Ֆինանսական հարցերի կարգավորումից զատ վեզիրները պարտավոր էին հսկել գանազան բնակավայրերի հաքիմների (կառավարիչների) գործունեությունը, որ նրանց կողմից հայտնաբերված անարդարությունների արդյունքում գյուղացին և հողագործը չտուժեին: Այդ հանգամանքը հավանաբար պայմանավորված էր նրանով, որ շահը մտահոգված էր երկրի քաղաքական իրավիճակով ապստամբություններ չլինեին, հարկերը ժամանակին հավաքվեին, և շահի գանձարանը լիքը լիներ: Նա պաշտպանում էր գյուղացիներին, որ նրանք չլքեին իրենց տրամադրված հողատարածքները:¹ Վեզիրների կարևոր պարտականություններից էր նաև շահի հյուրերի ընդունելությունը²: Վեզիրները համարվում էին շահի փոխանորդներն ու գործակալները վիլայեթներում: Շահը հակված էր վիլայեթների հսկողությունը ամբողջությամբ կենտրոնացնել նրանց ձեռքում: Իրականում պետական գանձարանը լցվում էր վեզիրների ջանքերի շնորհիվ³:

Իսկանդար բեգ Թորթաման Մոնշին իր «Պատմության» մեջ վեզիրների թվի մասին նշում է, որ «Դրախտաբնակ արքայի»⁴ կենդանության օրոք տասներկու հոգի էին»⁵:

Թեև վեզիրների(կամ նազիրների)⁶ աշխատանքի էությունը այն էր, որ ուղղակիորեն վերահսկեին պետության ընդունած որոշումների իրականացումը, սակայն հասարակ ժողովուրդը հաճախ տնտեսական և հասարակական առումներով մեծ կորուստներ էր ունենում և ճնշման ենթարկվում վեզիրների կողմից: Շարդենն այդ կապակցությամբ նշում է. «... այդ նազիրները անկուշտ էին: Նրանք իրենց պաշտոնները ստանում էին շահի մոր կամ նրա կանանց մեծ նվերներ վճարելու գնով, որի պահպանման համար ևս ավելին էին խոստանում և հարստահարում հասարակ ժողովրդին»⁷:

Փոքր շրջանների վեզիրներն իրենց աշխատանքային ծրագիրը իրականացնում էին համաձայն այն ծրագրի, որ հանձնարարվել էր մեծ վեզիրին և նրա հսկողությամբ: Վեզիրների նշանակումը և պաշտոնից հեռացումը շահի անմիջական վերահսկողությամբ էր կատարվում:

¹ 1985, (Սևանտն, Վազե Իրան դար գամանե շահ Սոլեյմանե Սաֆավի, բե էիթեմանե Թաղի Թաֆազոլի, Թեհրան 1985), էջ 178-179:

² سفرنامه پیترو دلاواله, (Սաֆարնամե, Փիեթրոդելավալե, մոթարդեմ), նշվ. աշխ., էջ 208:

³ 1363, (Թեմիֆեր Ալեգելբերթ, Սաֆարնամե, Թարդումե Զեյթավուսե Ջահանդարի, չափե սեվոմ, Էլթեշարաթե Խարազվի, Թեհրան, 1363), նշվ. աշխ., էջ 126-163:

⁴ Զեդիևակն ի նկատի ունի՝ սեֆյան Շահ Աբբաս Ա-ին:

⁵ 1392, (Իսքանդար Բեգ Թորթաման, Թարիխե Ալամ Արայե Աբասի, Մոասես Էլթեշարաթե Ամիրթաբիր, Թեհրան, 1392), էջ 159:

⁶ Վեզիր հասկացությունը պաշտոնի անվանումն է, իսկ նազիր նշանակում է այն աշխատանքը, որ կատարում է վեզիրը այսինքն՝ վերահսկիչ, վերակազու: Վեզիրը իր կողմից վերակազու էր ընտրում, որ իրականում կատարում էին այն աշխատանքը, որ իրեն էր հանձնարարված, որին նազեթ էին կոչում: Ժամանակաշրջանի գրականության մեջ հաճախ պաշտոնի անվանումը փոխարինվել է տվյալ աշխատանքի հետ և նույնանալով՝ օգտագործվել է մեկը մյուսի փոխարեն:

⁷ 1392, (Բարգոզդիեթ վա շարիե սաֆարնամե Շարդեն), նշվ. աշխ., էջ 179:

«Թագաբիրաթ ալ-մուլուք»ի մեջ մի քանի ենթագլուխ է հատկացված գանազան բնագավառներում վեզիրների գործունեությանը և նշված է վեզիրների անվանումները՝ Ալիջահ վեզիրե բոյուբաթ, վեզիրե սարբարե դուրջի, վեզիրե սարբարե դուլաման, վեզիրե թոֆանգչիան, վեզիրե թուփիսանե, վեզիրե սարբարե ֆեյգե ասար, վեզիրե դառ ալ-սալթանե Եսֆահան, վեզիրե սարբարե Էլթեղալի: Նշված վեզիրներից գլխավորը վեզիրե բոյուբաթն է, որը արքունական արհեստանոցների (բոյուբաթ) պատասխանատուն էր, պաշտոնի կարևորությունից ելնելով՝ նրան ալիջահ (պարսկ. բարձրաստիճան) տիտղոսն էին տվել: Վեզիրե բոյուբաթը ստուգում էր արհեստանոցների աշխատանքների հաշվետվությունները, մատյանները, կնքում դրանք և սահեբջամների¹ միջոցով վերահսկում հարկերի գանձման գործընթացը: Նա էր որոշում և վճարում արհեստանոցներում աշխատող բանվորների աշխատավարձերը²: Վեզիրե սարբարե դուրջին, վեզիրե թոֆանգչիան և վեզիրե թուփիսանեն այն երեք վեզիրներն էին, որ զբաղվում էին բանակին վերաբերող հարցերի կարգավորմամբ, յուրաքանչյուրը բանակի մի հատվածի հարցերով: Վեզիրե սարբարե դուրջին³ դուրջիների, յուզբաշիների, Եասավուլների⁴ հատկացվող թիուլի⁵ և այլ եկամուտների կապակցությամբ մեծ վեզիրի հրամանը ստանալով դուրջիբաշին⁶ հաստատում և գործադրում էր⁷: Վեզիրե թոֆանգչիանը թոֆանգչիներին (հրացանակիրներին) վերաբերող բոլոր ֆինանսական հարցերով էր զբաղվում: Թոֆանգչիներին, յուզբաշիներին, մինբաշիներին և մունեստիկներին հասանելիք աշխատավարձի, համեսալեի և թիուլի բոլոր հարցերը նրա միջոցով էր կարգավորվում: Նա թոֆանգչիների ստուգման օրը, որ կատարվում էր շահի ներկայությամբ, արքունիքին հաշվետվություն էր ներկայացնում⁸: Վեզիրե թուփիսանեն, իր հերթին, զբաղվում էր թուփիսանեին (հրետանի) վերաբերող բոլոր ֆինանսական հարցերով, ինչպես նաև թուփիցիներին, յուզբաշիներին, մինբաշիներին և թուփիսանեի ջարդիներին(մունեստիկներ)⁹ հասանելիք աշխատավարձի, համեսալեի և թիուլի կարգավորման հարցերը նրա միջոցով էին կատարվում¹⁰: Վեզիրե սարբարե դուլամանը¹¹, իր հերթին զբաղվում էր դուլամներին (ծառաներին) վերաբերող բոլոր ֆինանսական հարցերով: Յուզբաշիների դուլամների, Եասավուլանե դուրի¹², ջազայերի անդազ մունեստիկների¹³, հասանելիք աշխատավարձի, համեսալեի և թիուլի հարցերը նրա միջոցով էր կարգավորվում: Նա դուլամների ստուգման օրը, որ կատարվում էր շահի ներկայությամբ արքունիքին հաշվետվություն էր ներկայաց-

¹Սահեբջամ - صاحبجمع - ֆինանսական պատասխանատվություն կրող պաշտոնյա:

²Վեզիրե սարբարե դուրջի - وزير سرکار قورچى - պարսկերեն-դուրջիների աշխատանքները վերահսկող վեզիր:

³Վեզիրե սարբարե դուրջի - وزير سرکار قورچى - պարսկերեն-դուրջիների աշխատանքները վերահսկող վեզիր:

⁴Եասավուլ-يساول - պարսկերեն հեծյալ պահակազորային:

⁵Թիուլ - تيوّل - թիուլ էր կոչվում պետական այն հողերը, որոնք գանազան ծառայությունների դիմաց ավատների ձևով տրվում էին պաշտոնյաներին:

⁶Դուրջի բաշի- قورچى باشى - թագավորական հեծյալ գվարդիայի պետ:

⁷Վեզիրե սարբարե դուրջի - وزير سرکار قورچى (Միրզա Սամիա, Թագաբիրաթ ալ-մուլուք), նշվ. աշխ., էջ 36-37:

⁸Վեզիրե սարբարե դուրջի - وزير سرکار قورچى (Միրզա Սամիա, Թագաբիրաթ ալ-մուլուք), նշվ. աշխ., էջ 38-39:

⁹Մունեստիկ - جارچى - պարսկերեն ջառջի նշանակում է՝ այն անհատը, որ լուրերը բարձր ձայնով հայտարարում էր, ազդարար, սուրհանդակ:

¹⁰Վեզիրե սարբարե դուրջի - وزير سرکار قورچى (Միրզա Սամիա, Թագաբիրաթ ալ-մուլուք), նշվ. աշխ., էջ 39-40:

¹¹Վեզիրե սարբարե դուրջի - وزير سرکار قورچى (Միրզա Սամիա, Թագաբիրաթ ալ-մուլուք), նշվ. աշխ., էջ 37-38:

¹²Եասավուլանե դուրի-يساولان قور - պարսկերեն առաջատար հեծյալ հրացանակիր:

¹³Ջազայերի մունեստիկների - جارچيان جزايرى انداز - սեֆյան ժամանակաշրջանի մունեստիկներ, որոնք ծառայում էին վեզիրե սարբարե դուլամանի վերահսկողության ներքո:

Նում: Վեզիրե սարքարե ֆեյզե ասարի աշխատանքը հողագործական տարածքների, այգիների, ջրուղիների, անշարժ գույքի, ջրմուղների խնդիրներով զբաղվելն էր, որոնց եկամուտների մեկ չորրորդը ստանում էին ենթականերից և վարձակալներից, եկամուտը ստանալուց և կնքելուց հետո հանձնում արքունիքին: Նա պիտի հետամուտ լիներ շրջանների բարեկարգման խնդիրներով¹: Սպահանի վեզիրը զբաղվում էր խալեսե տարածքներին վերաբերող գումարների և խանութներին վերաբերող հարցերով: Նա հետևում էր, որ որևէ տարածք անմշակ չմնա և հողի մշակման, սերմացուի հանձնման, աշխատողների վճարման և հողագործին օժանդակելու պարտականություն ուներ: Խասսե շարիֆեի հողագործական գույքերի և տարածքների համար վարձակալներ ու հսկիչներ գտնելու և հողագործության համար աշխատող ուժ հայթայթելու պատասխանատուն էր: Նաև հսկում էր, որ ժամանակին հավաքվեին դիվանի համար գանձվող հարկերը: Սպահանին վերաբերող առևտրի կազմակերպումը և այդ գործունեության փաստաթղթերը հանձնում էր բոյութաթի սահեբջամներին²: Սպահանի վեզիրի պարտականությունը ղեկավարների որոշման գործն էր, որը կատարվում էր քալանթարին տեղեկացնելուց հետո: Սպահանի վեզիրը գումար էր ստանում, որը ծախսում էր դիվանի կարիքների համար, և տարվա վերջում ծախսերին վերաբերող փաստաթղթերը հանձնում էր բարձրագույն դիվանի վեզիրին³: Վեզիրե սարքարե Էթեղալիի պարտականությունն էր կազմակերպել և հսկել հողագործությանը հատկացված հողատարածքների, այգիների, շենքերի, ջրամբարների, ջրմուղների և հողագործական այլ կառույցների աշխատանքը, որոնց եկամուտների մեկ չորրորդը նա գանձում էր գյուղացիներից կամ այդ տարածքները վարձակալության վերցրած հողագործներից: Հողագործության համար հարկերի հաշվին հողագործներին սերմացու տալու և օժանդակելու գործը նրա պարտականությունների մեջ էր մտնում: Վնասների, հողային կամ բնական աղետների ժամանակ նա էր սուուգում և հաստատում վնասների չափը և հայտնում բարձրագույն դիվանի վեզիրին: Նա էր նշանակում բերքի խորհրդատուին, հողի չափագրողին և հաշվապահ գրագիրներին, որոնք տեղյակ էին տարածքների խնդիրներին: Նրանց հետ այդ վայրեր այցելելով՝ քննում էր հողագործության վիճակը: Նա, ընդունված կարգի համաձայն, առանձնացնում է գյուղացու միջոցով դիվանին հատկացվող մասերը: Հողագործներին համախմբելու, հողագործության զարգացման, զանազան շինությունների ու ջրանցքների վերանորոգման և նորերի կառուցման և խալեսե տարածքների ինչպես նաև իր ենթակաների և աշխատողների պաշտպանությունը ամբողջությամբ մտնում էին նրա պարտականությունների մեջ⁴:

Ըստ «Թագբիրաթ ալ-մուլուքի» նազերե(վեզիրե) բոյութաթի աշխատավարձը 360 թուման ու 1000 դինարից ավելի էր: Բացի այդ նրան նաև թիուլ և համեսալե էր հատկացվում⁵: Վեզիրների աշխատավարձի կապակցությամբ «Թագբիրաթ ալ-մուլուքը» տեղեկացնում է, որ վեզիրե սարքարե ղուրչիանը՝ 100 թուման, վեզիրե

¹ میرزا اسمیعا تذكره الملوك (Միրզա Սամիա, Թագբիրաթ ալ-մուլուք), Նշվ. աշխ., էջ 44:

² Բոյութաթի սահեբջամներ-جمع بیوتات- صاحب مینولینերի ժամանակաշրջանում հարկահանները սահեբջամ էին կոչվում: Սեֆյան ժամանակշրջանում սահեբջամե բոյութաթ էին կոչվում արքունական արհեստանոցների գույքերի հավաքագրման պատասխանատուները:

³ میرزا اسمیعا تذكره الملوك (Միրզա Սամիա, Թագբիրաթ ալ-մուլուք), Նշվ. աշխ., էջ 44-46:

⁴ میرزا اسمیعا تذكره الملوك (Միրզա Սամիա, Թագբիրաթ ալ-մուլուք), Նշվ. աշխ., էջ 46:

⁵ میرزا اسمیعا تذكره الملوك (Միրզա Սամիա, Թագբիրաթ ալ-մուլուք), Նշվ. աշխ., էջ 55:

սարքարե դղամանը՝ 100 թուման, վեզիրե թոֆանգչիանը՝ 50 թուման, վեզիրե թուփխանեն՝ 50 թուման էին ստանում, իսկ նրանց եկամուտների կապակցությամբ ավելացնում, որ նրանց են՝ամը¹, թիուլը յուրաքանչյուրի համար 200 դիևար, իսկ յեքսալե² և համեսալե թանխահից³ 45 դիևար ռոսում⁴ էին ստանում: «Թագքիրաթ ալ-մուլուբում» հիշատակված մնացած վեզիրների եկամուտների վերաբերյալ որևէ հիշատակության չենք հանդիպում⁵: Վերը բերված թվերը «Թագքիրաթ ալ-մուլուբում» նշվում են որպես հիշյալ պաշտոնյաների պաշտոնական աշխատավարձեր, որ նրանք դիվաևից էին ստանում:

Սեֆյան Իրանի քաղաքները կառավարվում էին քալանթարների կամ քաղաքապետների կողմից, որոնք նշանակվում էին տեղի ազնվականության ներկայացուցիչներից: Քալանթարների պարտականությունների մեջ էին մտնում հարկերի հավաքումն ու արթունի գանձարանին հանձնելը, ինչպես նաև քաղաքի խնդիրների կարգավորումը: Քալանթարը պարտավոր էր քաղաքի բնակիչների շահերը պաշտպանել պետական բարձրաստիճան պաշտոնյաների կամայականություններից: Նա միջնորդի դեր էր խաղում քաղաքի բնակիչների, երկրի կենտրոնական և վիլայեթների իշխանությունների միջև: Նրա հիմնական պարտականությունը քաղաքի բնակիչների և արհեստավորների համաքարությունների միջև տուրքերի բաշխումն էր: Նա նաև հարկերի ու տուրքերի գանձման պատասխանատուն էր: Նմանօրինակ պարտականություն ուներ գյուղապետը գյուղերում: Մանր առևտրականները և զանազան համաքարությունների աշխատողները պարտավոր էին անվճար աշխատել, ինչպես նաև բռնիչե⁶ կոչվող հարկ վճարել: Յուրաքանչյուր համաքարության համար բռնիչեի չափը որոշվում էր քալանթարի կողմից⁷: Թեև քալանթարը ընտրվում էր տեղական ընտանիքներից, սակայն նրան պաշտոնի նշանակելու և աշխատանքի անցնելու իրավունքը հաստատվում էր անմիջապես շահի կողմից⁸:

Ըստ «Թագքիրաթ ալ-մուլուբի» մայրաքաղաք Սպահանի քալանթարի պարտականությունները հետևյալն էին. «Գյուղապետների⁹ և համայնքների վստահված անձանց նշանակումը: Այս եղանակով յուրաքանչյուր շրջանի բնակիչները ներկայացնում են իրենց համայնքի վստահված անձանց, որոշում նրա աշխատավարձը, նշում գրությանը և Նադիրի¹⁰ կողմից կնքված հանձնում են քալանթարին: Նրա համար հրաման և խալաթ (պաշտոնի համար տրվող հագուստ, թիկնոց) են ստանում: Այնուհետև նա զբաղվում է նրանց վերաբերող հարցերի կարգավորմամբ: Տարվա առաջին

¹ Էն՝ամ-անգամ-նվեր:

² Յեքսալե- Կեկալե - միայն մեկ տարի վճարվող գումար:

³ Համեսալե թանխահ- تنخواه همه ساله - յուրաքանչյուր տարի վճարվող գումար:

⁴ Ռոսում-رسوم- գույքով կամ բնամթերքով վճարվող աշխատավարձեր:

⁵ مميزات سميعة تذكره الملوك (Միլլազ Սամիհ, Թագքիրաթ ալ-մուլուբ), նշվ. աշխ., էջ 60:

⁶ Արհեստավորների համար որոշված հարկեր:

⁷ سیوری راجر، تحقیقاتی در تاریخ ایران عصر صفوی (مجموعه مقالات: مقاله: ظهور دولت نوین ایران در دوره صفویه)، ترجمه: عباسقلی غفاری فرد/ محمد باقر آرام، تهران، 1382: (ՍիուրիՌոջեր, Թահիդիլաթի դար թարիխե Իրանե ասրե Սաֆավի, (մաջմուե մադալաթ, մադալե, Չոհուրե դոլաթե Նովինե Իրան դար դորե Սաֆավիե, թարջումե Աբասդոլիե Ղաֆարիֆարդ/Մոհամմադ Բադերե Արամ, Թեհրան, 1382), էջ 186:

⁸ نویدی داریوش، تغییرات اجتماعی- اقتصادی در ایران عصر صفوی (قرن شانزدهم و هفدهم میلادی)، ترجمه هاشم آقاجری، تهران، 1368 (Նավիդի Ղարիուշ, Թադիլաթե Եթթեմահ-եդթեսադի դար Իրանե ասրե Սաֆավի (դարնե շանգահում վա հեֆդահումե միլադի), թարջումե Հաշեմե Աղաշարի, Թեհրան, 1368), էջ 176:

⁹ Սպահանի քալանթարի պարտականությունների մեջ էին մտնում, ոչ միայն Սպահան քաղաքի այլ նաև մայրաքաղաքի շրջակա գյուղերի աշխատանքների վերահսկողությունը ևս:

¹⁰ Նադիր- خلیف- քալանթարի փոխանորդին կամ ներկայացուցչին Նադիր էին կոչում:

երեք ամիսը քալանթարը և նաղիքը, բոլոր համաքարություններից ներկայացուցիչներ ընտրելով՝ գնում են Սպահանի արքունիքի նաղիքի (ղեկավարի) մոտ, յուրաքանչյուրի համար որոշում բռնիչե և այն հաստատելով հանձնում քալանթարին: Այնուհետև վեզիրի, քալանթարի և մոսթովֆիի¹ կողմից կնքված բարաթներով, փոխանցման գրասենյակների միջոցով նրանց համար նշանակված բռնիչեները հաստատվում են և հանձնվում քալանթարին: Համաքարությունների կողմից բռնիչեի և նրանց աշխատանքային հարցերի քննարկումը կատարում է քալանթարը: Նա էլ, պետության շահերը հաշվի առնելով, քննում և հարցին լուծում է տալիս: Եթե որևէ կերպ ենթակաների և գյուղացիների նկատմամբ բռնություն գործադրվեր, բողոքարկուն գալիս էր քալանթարի մոտ, վերջինս պարտավոր էր բողոք ներկայացնող գյուղացու ինդիքը, որ իր իրավասության սահմաններում էր քննել և լուծում տալ, այլապես բողոքը ներկայացվում է դիվանի վեքիլներին (փաստաբան): Նրա պարտականությունն էր թույլ չտալ, որ ուժեղները թույլերի նկատմամբ բռնություն գործադրեն, որպեսզի անեծքի պատճառ չլինեին: Նա միշտ հաշտարարի դերում պիտի լինի, որ թագավորի համար կարողանա շահել ենթակաների բարի աղոթքները»²:

Ժամանակաշրջանի պաշտոնների և նրանց գործառնությունների վերաբերյալ բազմաթիվ հետաքրքրական տեղեկություններ են պահպանվել ժամանակաշրջանի վավերագրերում, որոնք մեծ արժեք ունեն պատմական իրականության ոչ միայն բնութագրման, այլև վերաբժեքավորման ու ժամանակաշրջանի վարչական պատմության իրականության արտացոլման տեսակետից: Զալանթարի պաշտոնի մասին հետաքրքրական մանրամասներ է բովանդակում Իրանի ազգային գրադարանի վավերագրերի ազգային կենտրոնում պահպանվող շահ Սուլթան Յուսեյնի հրովարտակը, որով Միրզա Մոհամմադ Ջաբերին նշանակվում է Սպահանի Զալանթար: Հրովարտակը կարևոր է Սեֆյան շահերի կողմից ենթականերին պաշտոնի նշանակելու եղանակի և պարտականությունների գատորոշման առումով: Նշանակելով վերոհիշյալին այդ պաշտոնում՝ նրան հրահանգվում էր՝ «...նա, կատարելով իր պարտականությունները, բարեխղճորեն վերահսկի, որ ուժեղների կողմից թույլերը և ենթակաները ճշման չենթարկվեն...Իսկ մայրաքաղաքի բոլոր ղազիները(դատավորները) և բնակիչները, քալանթարին իրենց գլխավորը համարելով՝ ենթարկվեն նրա խոսքին ու որոշումներին, ...արհեստավորները, գյուղապետերը և շրջանների գլխավորները առանց նրա գրավոր իրավունքի որևէ հարցում իրենց ենթակաների նկատմամբ ինքնուրույն որոշումներ չկայացնեն, քանի որ նրան է վերապահված այդ անհատների պաշտոնների փոփոխության իրավունքը...»³:

«Թագքիրաթ ալ-մուլուքի» մեջ Սպահանի քալանթարի պարտականությունների վերաբերյալ նույնպես տեսնում ենք մոտավորապես նույն բացատրությունը, ինչ վերը մեջբերված վավերագրում: Փաստորեն վավերագիրը գալիս է հաստատելու «Թագքիրաթ ալ-մուլուքի» մեջ պահպանված տեղեկությունը այդ հարցի շուրջ:

Շահ Աբբաս Ա-ն իր կողմից Սպահան բռնագաղթեցված հայերին հատուկ արտոնություններ շնորհեց՝ թույլատրելով, որպեսզի նրանք առանց արգելքի կատարեն իրենց քրիստոնեական և հոգևոր ծեսերը, գումար հատկացրեց եկեղեցիների կա-

¹Մոսթովֆի-مستوفی- հաշվապահ, գանձարանի մատյանների լրացման պատասխանատու:

²ميرزا سميعا تذكره الملوك (Միրզա Սամիա, Թագքիրաթ ալ-մուլուք), նշվ. աշխ., էջ 47:

³Իրանի ազգային գրադարանի վավերագրերի ազգային կենտրոն, վավերագիր N. 997-61:

ռուցման ու վերանորոգման համար, նաև որոշ ինքնավարություն տվեց Նոր Ջուղայի հայությանը՝ նրանց անմիջական ղեկավարի պաշտոն հատկացնելով ի դեմս հայ քալանթարի: Վերջինս շատ բարձր եկամուտ ուներ¹: Թավերնիեն² հիշատակում է, որ խոջա Պետրոսի ունեցվածքը, բացի բազմաթիվ տներից, հողաբաժիններից, գոհարեղենից, ոսկյա իրերից, ամբողջությամբ կազմում էր շուրջ 40000 թուման³:

Ջուղայի հայ քալանթարների գործունեության կապակցությամբ Տեր Յովհանյանը նշում է.«խոջա Սաֆարը և նրա եղբայր խոջա Նազարը արքայական հրովարտակով վերակացուներ էին նշանակել հայ ժողովրդի վրայ և որովհետև նրանք անևանի մարդիկ էին և թագաւորի աչքում սիրելի, ուղղակի շահ Աբբասին յայտնում էին ինչ ինչիդ և գործ որ լինում էր ժողովրդի վերաբերյալ և թագավորը նրանց ինչդանքով և միջնորդութեամբ ամեն բարեշնորհումներ անում էր հայ ազգին, և եթէ պատահում էր, որ շահ Աբբասը հեռանար Սպահանից կամ պատերազմի էր գնում, խոջա Նազարը գտնւում էր նրա սպասարկութեան մէջ՝ իբրև բարեկամ խորհրդական և Ջուղայի ժողովրդի մէջ ծանր ինչիդ կամ որևէ գործ լինելու դեպքում, խոջա Սաֆարը յայտնում էր իր եղբորը՝ խոջա Նազարին, նա ևս տեղեկացնում էր թագաւորին և նրա բարեհաճ հրամանն էր ձեռք բերում՝ ի նպաստ ինչդին կամ ժողովրդին: Ուստի մեծամեծներից կամ օտար ազգիներից ո՛չ ոք չէր համարձակւում որևէ նեղութիւն հասցնել հայ ժողովրդին՝ ակնածելով նրանից»⁴: Ջուղայի առաջին հայ քալանթարներ խոջա Սաֆարը և խոջա Նազարը մոտ լինելով շահին և արքունիքին՝ կարողացել են օգտակար լինել Նոր Ջուղայում հաստատված հայկական համայնքին և պաշտպանել նրանց շահերը: Փաստորեն, հայ քալանթարները իրենց կարևոր դերն են ունեցել Նոր Ջուղայի ներքին կյանքի կազմակերպման գործում:

Ինչպես տեսնում ենք, վեզիրի և քալանթարի պաշտոնները Սեֆյան վարչական ապարատի կարևոր օղակներից էին, իսկ «Թագքիրաթ ալ-մուլուքի» ծավալուն տեղեկությունները այդ պաշտոնյաների մասին հնարավորություն են տալիս առավել հստակ պատկերացում կազմել Իրանի տվյալ ժամանակաշրջանի կառավարման համակարգի մասին:

ՕԳՏԱԳՈՐԾՎԱԾ ԱՂԲՅՈՒՐՆԵՐ ԵՎ ԳՐԱԿԱՆՈՒԹՅՈՒՆ

1- 1382 سفرنامه تاورنيه، ترجمه: حميد ارباب شيرانى، تهران، 1382 (Սաֆարնամե Թավերնիե, թարգմուտ Համիդ Արբաբ Շիրանի, Թեհրան, 1382):

2- بيتر جكسون/ لورنس لاکهارت، تاريخ ايران كمبريج (جلد ششم، قسمت دوم) دوره 1387 صفوی، ترجمه: تیمور قادری، تهران، انتشارات مهتاب، 1387 (Փիթեր Ջաքսոն/ Լորանս Լաքհարթ, Թարիխե Իրան Բամբրիջ, (ջելվդե շեշում, դեսմաթե դովում) դորեհ Սաֆավի, Թարջումե Թեյմուրե Ղադերի, Թեհրան, Էլթեղարաթե Մահթաբ, 1387):

¹ Իրականում խոջա Պետրոսի եկամուտների մի մասը գալիս էր նրա վաճառականական գործունեությունից:

² Սեֆյան ժամանակաշրջանում Իրան այցելած իտալացի հանրահայտ ճանապարհորդ:

³ Երևանի Միջին Ասիայի և Իրանի Պատմության ինստիտուտի հրատարակած «Սեֆյան ժամանակաշրջանում Իրանի պատմությունը», Երևան, 2008, էջ 70-171:

⁴ Տեր Յովհաննես Յարության Թ., Պատմություն Նոր Ջուղայի(Սպահան), աշխարհաբարի թարգմանեց Պողոս Ա. Զինյ. Պետրոսեան, Նոր Ջուղա, Նաշրե Սալամ հրատարակչություն, 2008, էջ 72:

3- شوستر والسر سببيللا، ايران صفوی از دیدگاه سفرنامه های اروپائیان (پژوهشی در روابط سیاسی و اقتصادی ایران (1502-1722)، ترجمه و حواشی دکتر غلامرضا ورهرام، تهران، انتشارات امیر کبیر، 1364، (Շուսթերը Վալսերը Միբիլա, Իրան ազ դիդգահե սաֆարնամեհայե ուրուփաիյան, Թեհրան, Էյթեշարաթե Ամիրքաբիր, 1364:

4- باستانی پاریزی محمد ابراهیم، سیاست و اقتصاد عصر صفوی، تهران، 1362 (Բասթանիե Փարիզի Մոհամմադ Էբրահիմ, Սիասաթ վա Էթեեսադե ասրե Սաֆավի, Թեհրան, 1362:

5- ترجمه: حسین هژیریان/ حسن اسدی، تهران، 1388 فریر رانلد دبلیو ، برگزیده شرح شاردن، (Ֆրիդեյր Բանելդ Դաբլյու, բարգոզիդե Շարիե սաֆարնամե Շարդեն, թարջումե: Հուսեյնե Հաժիրիան/ Հասանե Ասադի, Թեհրան, 1388:

6- میرزا علی نقی نصیری، القاب و مواجب دوره سلاطین صفوی، تصحیح دکتر یوسف میرزا علی نقی نصیری، (Միրզա Ալինադիե Նասիրի, Ալղաբ վա մավաջեբե դորե սալաթինե Սաֆավի, թասիիե դոբթոր Եուսեֆե Ռահիմյու, Էյթեշարաթե դասեշգահե Ֆերդոսի, Մաշհադ, 1371:

7- میرزا سمیعا، تذکره الملوك، دکتر محمد دبیر سیاقی، تصحیح و نشر تذکره ، انتشارات میرزا سمیعا، (Դոբթոր Մոհամմադ Դաբիրսիադի, Թասիի վա Նաշր Թագբիրաթ ալ-մուլուք վա սագեմանե Էդարիե հոբումաթե Սաֆավի, Էյթեշարաթե Ամիրքաբիր, Թեհրան 1378:

8- سانسون، وضع ایران در زمان شاه سلیمان صفوی، به اهتمام تقی تفضلی، تهران، 1985، (Սանսոն, Վազե Իրան դար գամանե շահ Սուլեյմանե Սաֆավի, բե Էթեմամե Թադի Թաֆազլի, Թեհրան 1985:

9- سفرنامه پیترو دلواله، مترجم: شعاع الدین شفا، تهران، 1381 (Սաֆարնամե Փիեթրոդելավալե, մոթարջում: Շուսեղիինե շաֆա, Թեհրան, 1381:

10- کمپفر انگلیرت ، سفرنامه، ترجمه کیکاووس جهانداری، چاپ سوم، انتشارات کمپفر انگلیرت، (Զեմիֆներ Ալևգելբերթ, Սաֆարնամե, Թարջումե Զեյկավուսե Չահանդարի, չափե սեվում, Էյթեշարաթե Խարազի, Թեհրան, 1363:

11- اسکندر بیگ ترکمان، تاریخ عالم آرای عباسی، موسسه انتشارات امیر کبیر، تهران، 1392 (Իսքանդար Բեգ Թորքաման, Թարիխե Ալամ Արայե Աբասի, Մոսսեսե Էյթեշարաթե Ամիրքաբիր, Թեհրան, 1392:

12- سیوری راجر، تحقیقاتی در تاریخ ایران عصر صفوی (مجموعه مقالات: مقاله: ظهور دولت نوین ایران در دوره صفویه)، ترجمه: عباسقلی غفاری فرد/ محمد باقر آرام، (մաշմուե մաղալաթ, մաղալե, Չոհուր-ե դուլաթ-ե Նովին-ե Իրան դար դորե Սաֆավիյե, թարջումե Աբասդուլի-ե Ղաֆարի ֆարդ/Մոհամմադ Բադերե Արամ, Թեհրան, 1382:

13- نویدی داریوش، تغییرات اجتماعی- اقتصادی در ایران عصر صفوی (قرن شانزدهم و هفدهم میلادی)، ترجمه هاشم آقاچری، تهران، 1368 (Մուդի Չարիուշ, Թարիխի Դարիուշ, Թարիխաթե Էթեմաի-Էթեեսադի դար Իրանե ասրե Սաֆավի(դարն-ե շանգդահում վա հեֆդահում-ե միլադի), թարջումե Հաշեմ Աղաչարի, Թեհրան, 1368:

14- Տեր Յովհաննեսան Յարուբին Թ., Պատմություն Նոր Ջուղայի(Սպահան), աշխարհաբարի թարգմանեց Պողոս Ա. Բևի. Պետրոսեսան, Նոր Ջուղա, Նաշրե Սալամ հրատարակչություն, 2008:

Жильберт Мешканбарянс, Должности везирей и калантаров в административной системе Сефевидского Ирана, - Исследования административной системы Сефевидского Ирана – одни из наиболее важных разделов ирановедческих исследований в соотнесении с армянским контекстом. Обширные сведения по Сафавидскому Ирану в отношении должностей и административных единиц представлены в книге “Tadkerat al-moluk” автора Mirza Samia, в которой четвертая и пятая главы содержат описание обязанностей и деятельности везиров и калантаров. Армяне города Новая Джульфа также имели своих собственных калантаров, которые избирались из наиболее богатых купеческих армянских семей, близких к Шаху. Их основные обязанности заключались в защите прав армян. В данном изложении показано, насколько значительны были должности везирей и калантаров в администрации сефевидов.

Jilbert Meshkanbarians, Positions of Vezires and Kalantars in the Administration System of Safavid Iran, - Research on administrative system of Safavid Iran is one of the essential fields of Iranian studies with regard to the Armenian affairs. Safavid Iran's extensive information about the positions and administrative units has been presented in the book “Tadkerat al-moluk” by Mirza Samia, whereby the fourth and the fifth chapters provide data about the vezirs’ and kalantars’ duties and activities. The Armenians of New Julfa also had their own kalantars who were selected from the most rich merchant Armenian families that were close to the shah. Their main duties were defending Armenian rights. The study shows that the positions of vezirs and kalantars were significant in the system of the Safavid administration.

Ժիլբերթ Մեշքանբարյանս - ԵՊՅ պատմության ֆակուլտետի Հայաստանի հարակից երկրների պատմության ամբիոնի, հայցորդ:

